

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: D-10/1-34-007329-6-22
Tuzla, 16.06.2022. godine

Ministarstvo obrazovanja i nauke Tuzlanskog kantona, u postupku po zahtjevu Visoke škole za savremeno poslovanje, informacione tehnologije i tržišne komunikacije „Internacionalna poslovno-informaciona akademija“ Tuzla, broj: 433/1-I/2022 od 25.03.2022. godine, za ponovno licenciranje studijskog programa Informatika i računarstvo, na osnovu člana 27. stav (6) Zakona o visokom obrazovanju – prečišćeni tekst („Službene novine Tuzlanskog kantona“ broj: 21/21, 5/22 i 11/22) i člana 21. stav (1) Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“ broj: 9/22), donosi

RJEŠENJE

1. Visokoj školi za savremeno poslovanje, informacione tehnologije i tržišne komunikacije „Internacionalna poslovno-informaciona akademija“ Tuzla, odobrava se izvođenje studijskog programa Informatika i računarstvo na prvom ciklusu studija u trajanju od 4 godine (8 semestara), čijim završetkom se stiče zvanje Bachelor – inženjer informatike i računarstva, koje se vrednuje sa 240 ECTS bodova.

2. Dozvola za izvođenje studijskog programa (licenca) za studijski program iz tačke 1. ovog rješenja izdaje se na period od pet godina, i vrijedi za upis studenata počev od naredne akademske godine.

3. Ovo rješenje proizvodi pravno dejstvo danom njegovog donošenja.

Obrazloženje

Ministarstvo obrazovanja i nauke Tuzlanskog kantona (u daljem tekstu: Ministarstvo) zaprimilo je zahtjev Visoke škole za savremeno poslovanje, informacione tehnologije i tržišne komunikacije „Internacionalna poslovno-informaciona akademija“ Tuzla (u daljem tekstu: IPIA), broj: 433/1-I/2022 od 25.03.2022. godine, za ponovno licenciranje studijskog programa Informatika i računarstvo. Postupajući po predmetnom zahtjevu, u skladu sa odredbom člana 27. stav (4) Zakona o visokom obrazovanju – prečišćeni tekst („Službene novine Tuzlanskog kantona“ broj: 21/21, 5/22 i 11/22, u daljem tekstu: Zakon) i člana 11. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“ broj: 9/22, u daljem tekstu: Pravilnik), Ministarstvo obrazovanja i nauke Tuzlanskog kantona, rješenjem broj: 10/1-34-007329-2-22 od 16.05.2022. godine, imenovalo je Komisiju za licenciranje studijskog programa prvog ciklusa studija Informatika i računarstvo na IPIA (u daljem tekstu: Komisija), koja je izvršila vrednovanje predloženog studijskog programa u skladu sa kriterijima za licenciranje utvrđenim članom 8. Pravilnika i u skladu sa odredbom člana 18. Pravilnika sačinila i Ministarstvu dostavila Izvještaj u kome su, između ostalo, navedene sljedeće činjenice:

Na osnovu rješenja Ministarstva broj: 10/1-38-014921/14 IPIA je u Općinskom sudu u Tuzli registrovana rješenjem o registraciji broj: 032-0-Reg-14-001107. Rješenjem Ministarstva broj: 10/1-38-024293-1/14 IPIA je upisana u Registar visokoškolskih ustanova kod Ministarstva, a ista je akreditovana rješenjem o akreditaciji broj: 10/1-38-31690-3/19. Nastavu na studijskom programu „*Informatika i računarstvo*“, koji je predmet ponovnog licenciranja, IPIA izvodi od akademske 2018/19 godine na osnovu rješenja o ispunjenosti uslova za izvođenje studijskog programa broj: UP1-10/1-38-011802-2/17 od 29.08.2017. godine i Licence za izvođenje studijskog programa Informatika i računarstvo broj: UP1-10/1-38-011802-2-1/17 od 29.08.2017. godine izdatih od strane Ministarstva. Studijski program „*Informatika i računarstvo*“ koncipiran je i strukturiran u skladu sa Zakonom i Bolonjskom deklaracijom,

sa ciljem da se putem ovog studijskog programa obrazuju studenti za sticanje temeljnih znanja iz oblasti računarstva, informacionih tehnologija i poslovnih procesa, čime se oni pripremaju za aktivno uključivanje na tržište rada, kao i za samostalno pokretanje poslovnih projekata. Predmetni studijski program usklađen je sa članom 126. stav 2. Zakona, i sadrži sve zakonski propisane elemente koje studijski program treba da ima. U okviru istog jasno su istaknuti cilj i svrha, te su na kavalitetan i savremen način pripremljeni silabusii kako obaveznih, tako i izbornih predmeta. Ciljevi predmetnog studijskog programa u potpunosti su u funkciji realizacije Strategije razvoja Bosne i Hercegovine, Strategije razvoja Federacije Bosne i Hercegovine 2021-2027. godine i Politike razvoja informacionog društva Bosne i Hercegovine za period 2017 - 2021. godine, posebno u oblasti industrije ICT, e-poslovanja, e-obrazovanja, e-zdravstva, e-uprave, ICT u obrazovanju i sl. Predmetni studijski program predstavlja kvalitetno strukturiran savremeni program iz oblasti informacionih tehnologija i računarstva koji kroz svoj sadržaj (nastavne predmete) studentima nudi kvalitetne osnove za uključivanje na tržište rada. Program slijedi savremena naučne zahtejeve iz naučne oblasti, što potvrđuje i to da je je sadržaj predmetnog studijskog programa koncipiran u skladu sa kvalitetom sličnih licenciranih studijski programa na relevantnim domaćim i regionalnim visokoškolskim ustanovama, a što je u skladu sa preporukama o kriterijima za licenciranje visokoškolskih ustanova i studijskih programa u Bosni i Hercegovini. Završetkom studija na ovom studijskom programu stiču se potrebna znanja i vještine za rad u organizacijama privatnog i javnog sektora na poslovima uvođenja, održavanja i primjene informacionih tehnologija u poslovnim procesima. Ishodi učenja na predmetnom studijskom programu usklađeni su sa savremenim naučnim zahtjevima i međunarodnim iskustvima, te postoji jasna povezanost ishoda učenja sa ishodima koji su navedeni u silabusima pojedinačnih nastavnih predmeta. Za svaki nastavni predmet su izrađeni kvalitetni silabusii koji sadržavaju jasne i relevantene ciljeve i ishode učenja, sadržaj predmeta po sedmicama, te medode izvođenja nastave i način ocjenjivanja. Komisija je provela i analizu kapacitiranosti predmetne visokoškolske ustanove da provede predmetni studijski program, u skladu sa Standardima i normativi visokog obrazovanja Tuzlanskog kantona ("Službene novine Tuzlanskog kantona", broj: 8/15, 4/16, 12/16, 9/17 i 6/19 – tumačenje člana 8. stav (2))). Shodno svim činjenicama navedenim u Izvještaju Komisija je dala pozitivnu konačnu ocjenu i mišljenje o ishodu licenciranja razmatranog studijskog programa.

Na osnovu konačne ocjene i mišljenja Komisije, u skladu sa odredbom člana 27. stav (6) i člana 21. stav (1) Pravilnika, odlučeno je kao u izreci ovog rješenja.

Pouka o pravnom lijeku:

Protiv ovog rješenja može se izjaviti žalba Komisiji za drugostepeno upravno rješavanje Vlade Tuzlanskog kantona, u roku od 15 dana od dana zaprimanja rješenja.

DOSTAVITI
1x IPIA
1 x evidencija
1 x a/a



MINISTAR
Ahmed Omerović
dr. sci. Ahmed Omerović